

MISSINGIUT

Siunnersuut

Uunga

Illut pillugit pigisaareersunik pigisassanngortitsisarnermi periaasissanik

Kalaallit Nunaannut inatsisip allanngortinneqarnissaanut inatsit

(Pigisassanngortitsisarnermi periaasissat pillugit inatsisip nutaap
kingunerisaanik allannguutit)

§ 1

Illut pillugit pigisaareersunik pigisassanngortitsisarnermi periaasissanik
Kalaallit Nunaannut inatsimmi, tak. inatsimmut nalunaarut nr. 69, 15.
februar 1993-imeersoq, tulliuttut allanngortinneqarput:

1. § 2-*mi* »naalagaaffiup pigisassanngortitsisarnerani, tak. illut pillugit
pigisaareersunik pigisassanngortitsisarnermi periaasissat pillugit inatsimmi
§ 4« imatut allanngortinneqassaaq: »tak. pigisassanngortitsisarnermi
periaasissat pillugit inatsimmi § 5, imm. 2«.
2. § 4, *imm. 1-imi*, »naalagaaffiup pigisassanngortitsisarnerani« imatut
allanngortinneqassaaq: », tak. pigisassanngortitsisarnermi periaasissat
pillugit inatsimmi § 5, imm. 2«.

§ 2

Imm. 1. Inatsit atuutilersinneqassaaq ulloq 1. januar 2028.

Inatsisissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Inuiaqatigiinnut iluaqutissanik sanaartornermik suliniutit ingerlannissaannut, pigisaareersunik pigisassanngortitsisarneq pillugu suliaqarneq pisut ilaanni piumasaqaataasinnaavoq.

Tunngaviusumik inatsimmi § 73 malillugu pigisassanngortitsisarneq taamaallaat inatsimmik tunngaveqarluni pisinnaavoq, aamma aatsaat tamanut atuuttumik inuiaqatigiit isiginiarneqarnissaat (tamat soqutigisaat ajunngitsut) tamatuma piumasaqaatigippagu aamma tamakkiisumik taarsiisoqassappat.

Ministeriat arlallit suliassa qarfiini pigisanik nalilinnik il. il. pigisassanngortitsisarneq inatsisini arlalissuarni inatsisikkut tunngavissaqarpoq. Tamanna aamma suliassa qarfinnut Namminersorlutik Oqartussanit nunatsinnit suli tiguneqarsimanngitsunut atuuppoq.

Inatsisini taakkunani eqqartuusseriaatsimut malittarisassat, Illoqarfinnut-, nunamut- aamma angallannermut ministereqarfik ataanniittut innersuussutigineqarput, taakkunani pigisaareersunik pigisassanngortitsisarneq pillugu sulianik sularinninneq qanoq ingerlassaasannersoq allassimavoq, tak. pigisaareersunut tunngatillugu pigisaareersunik pigisassanngortitsisarnermi periaaseq pillugu Kalaallit Nunaannut inatsit.

Inatsisikkut nr. [xx, yy zzzz-meersukkut] periaasissat pillugit inatsimmik akuersissuteqartoqarpoq – pigisassanngortitsisarnermi periaasissat pillugit inatsit, tak. inatsit nr. [xx, yy zzzz-meersoq]. Inatsisit, pigisassanngortitsisarneq pillugu inatsisikkut tunngavissallit, siunissami pigisaareersunik pigisassanngortitsisarneq qanoq periaaseqarluni ingerlanneqartassannersoq pillugu inatsimmut tassunga innersuussisassapput. Peqatigitillugulu inatsit, inatsisinik pigisassanngortitsisarnermi periaasissat pillugit inatsisikkut tunngavissalinnik allannguisoq akuerineqarpoq, taakku taamaalillutik pigisassanngortitsisarnermi periaasissat pillugit inatsimmut innersuussilerlutik, tak. inatsit nr. [xx , yy zzzz-meersoq].

Pigisassanngortitsisarnermi periaasissat pillugit inatsit aamma inatsisini arlalinni allannguinerit kingunerisaannik allannguutit taaneqartut atuutilersinneqassapput ulloq 1. januar 2028.

Suliassa qarfinni, Namminersorlutik Oqartussanit suli tiguneqarsimanngitsuni, taaneqareersutut aammattaaq Kalaallit Nunaanni pigisanik nalilinnik pigisassanngortitsisarneq aallartisarneqarsinnaavoq imaluunniit akuerineqarsinnaalluni. Naalagaaffiup taamatut pigisassanngortitsisarnerani periaaseq Kalaallit Nunaanni pigisaareersunik pigisassanngortitsisarneq pillugu periaasissat pillugit inatsimmiippoq.

Pigisassanngortitsisarnermi periaasissat pillugit inatsisip akuersaarneqarnerata toqqaannartumik kinguneratut aammattaaq illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi annikitsunik allannguisoqartariaqarpoq.

Inatsisissatut siunnersuutip taamaalilluni siunertaraa isumannaassallugu, illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi, suliassa qarfinni Namminersorlutik Oqartussanit suli tiguneqarsimanngitsuni, Naalagaaffimmi Oqartussaasut suliassa qarfi sinnerlugit Naalagaaffimmi Oqartussaasut pigisaareersunik pigisassanngortitsisarneranni, siunissami - tassa 1. januar 2028-mi nallertinnagu nunatsinnit tiguneqarsimanngitsut pillugit – pigisassanngortitsisarnermi periaasissat pillugit inatsimmi aalajangersakkanut innersuussisoqartarnissaa.

Allannguutit taamaallaat inatsilerineri teknikkimut tunngassuteqarput.

2. Inatsisissatut siunnersuummi immikkoortoq pingaarneq

Pigisassanngortitsisarnermi periaatsit pillugit inatsisip nutaap kingunerisaannik allannguinerit

2.1.1. Inatsisit atuuttut

Illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi § 2-p malitsigisaatut, Kalaallit Nunaanni pigisassanngortitsinerit naalagaaffiup pigisassanngortitsisarnerani suleqatigiissitanit aquneqassapput, tak. illut pillugit pigisaareersunik pigisassanngortitsisarnermi periaasissat pillugit inatsimmi § 4.

Aammattaaq illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi § 4-p malitsigisaatut, pigisassanngortitsisarneq pillugu suleqatigiissitat tamarmik 5-nik ilaasortaqarput. Siulittaasoq naalagaaffiup pigisassanngortitsisarneq pillugu suleqatigiissitaanut ilaasortaavoq. Illoqarfinnut-, nunamut- aamma angallannermut ministeri ilaasortat marluk piffissamut ukiuni 6-ini atasussat toqqartarpai, taakkuninngalu minnerpaamik ataaseq sanaartormik suliffeqarfinnik imaluunniit Kalaallit Nunaanni sanaartormut pissutsinik ilisimasaqassaaq. Kalaallit Nunaanni Namminersorlutik Oqartussat suleqatigiissitap piffissami atuuffianut ilaasortat marluk toqqartarpai.

Aammattaaq inatsimmi § 4, imm. 2-p malitsigisaatut, suleqatigiissitap piffissami atuuffiani kommunalbestyrelsimit toqqarneqarsimasunik marlunnik aallartitanik ilaasortaqaassaaq, oqaaseqarsinnaatitaasunit, kisianni taasisinnaatitaanngitsunik.

2.1.2. Illoqarfinnut-, nunamut- aamma angallannermut ministereqarfik isumaliutai aamma aaqqissuussineq siunnersuutigineqartoq

Pigisassanngortitsisarnermi periaatsit pillugit inatsit nutaaq, inatsisit nr. [xx, yy zzzz-meersoq], aamma ulloq 1. januar 2028-mi atuutilersinneqartussaq, aaqqissuunneqarnermik aamma pigisassanngortitsisarnermi periaatsinut aalajangersakkanik nutaanik imaqarpoq, taanna inatsisit allat, pigisassanngortitsisarneq pillugu periaasissat pillugit innersuussiffigisassavaat.

Pigisaareersunik pigisassanngortitsisarneq pillugu periaasissat pillugit inatsiseqartitsisarnermi atuuttut, pigisassanngortitsisarnermi periaasissat pillugit inatsimmi nutaami aallaavittut pingaarnertut ingerlateqqinneqarput.

Inatsisit arlallit, periaatsinut malittarisassanut taakkununnga innersuussissut, kingunerisaasumik iluarsiivigineqarput inatsisikkut nr. [xx]-kkut, taakku siunissami pigisassanngortitsisarnermi periaasissat pillugit inatsimmut nutaamut innersuussisartussaammata.

Taamaattumik pigisassanngortitsisarnermi periaasissat pillugit inatsisip nutaap kingunerisaatut Illoqarfinnut-, nunamut- aamma angallannermut ministereqarfik isumaqarpoq, illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi allannguissanik pisariaqartitsisoqartoq, taamaalilluni

pigisassanngortitsisarnermi periaasissat pillugit inatsimmi aalajangersakkanut eqqortunut innersuussisoqarsinnaalersillugu.

Tamanna tunuliaqutaralugu siunnersuutigineqarpoq illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi aalajangersakkat marluk allanngortinneqassasut, taamaalillutik suleqatigiissitaq aqutugalugu pigisassanngortitsisarnermi periaasissat pillugit inatsimmi nutaami pigisassanngortitsisarnermut malittarisassanut naapertuuttunngortillugit.

Allannguutit taamaallaat inatsisilerineri teknikkimut tunngassuteqarput.

Taamaattumik siunissami suleqatigiissitamut ilaasortap ataatsip Illoqarfinnut-, nunamut- aamma angallannermut ministereqarfik atorfinitsinneqarsimasup, pigisanik pigisassanngortitsisarneq pillugu suleqatigiissitaq, Kalaallit Nunaanni pigisassanngortitsinermik suliaqartussaq pilersinneqartoq aqutsisuuffigisassavaa.

Allannguutit erseqqinnerusumik paasisaqarfiginissaannut inatsisissatut siunnersuummi § 1, nr. 1 aamma 2, taakkunungalugu oqaaseqaatit innersuussutigineqassapput.

3. Pisortanut aningaasatigut allaffissornikkullu kingunissai

Inatsisissatut siunnersuut pisortanut aningaasatigut allaffissornikkullu kinguneqassanngitsoq nalilerneqarpoq.

4. Inuussutissarsiortunut il. il. aningaasatigut allaffissornikkullu kingunissai

Inatsisissatut siunnersuut inuussutissarsiortunut il. il. aningaasatigut allaffissornikkullu kinguneqassanngitsoq nalilerneqarpoq.

5. Innuttaasunut allaffissornikkut kingunissai

Inatsisissatut siunnersuut innuttaasunut allaffissornikkut kinguneqassanngitsoq nalilerneqarpoq.

6. Silap pissusianut kingunissai

Inatsisissanut siunnersuut silap pissusianut kinguneqassanngitsoq nalilerneqarpoq.

7. Avatangiisinut pinngortitamullu kingunissai

Inatsisissatut siunnersuut avatangiisinut pinngortitamullu kinguneneqassanngitsoq nalilerneqarpoq.

8. EU-mi inatsisinut tunngassuteqartut

Inatsisissatut siunnersuut EU-mi inatsisaasunut tunngassuteqartunik imaqanngilaq.

9. Oqartussa qarfiit suliniaqatigiiffiillu il. il. tusarniaaffigineqartut

Siunnersuut piffissami 21. april 2026 - 20. maj 2026 Naalakkersuisut.gl-imi tusarniaanermut nittartakkami tamanut ammasumik tusarniaassutigineqarpoq.

10. Immersugaq eqikkaaffiusoq		
	Kinguneri ajunngitsut/ anigaasartuutikin- nerulerneq (Aap, taava annertussutsit allakkit/ Naamik allaguk »Soqanngilaq«)	Kinguneri pitsaanngitsut/ anigaasartuu- teqarnerulerneq (Aap, taava annertussutsit allakkit/ Naamik allaguk »Soqanngilaq«)
Nalagaaffimmut, kommuninut nunallu immikkoortuinut anigaasaqarnikkut kinguneri	Soqanngilaq	Soqanngilaq
Naalagaaffimmut, nunap immikkoortuinut kommuninullu atuutilersitsinerup kinguneri	Soqanngilaq	Soqanngilaq

Inuussutissarsior-tunut il. il. aningaasaqarnik- kut kinguneri	Soqanngilaq	Soqanngilaq
Inuussutissarsior-tunut allaffissor-nikkut kinguneri	Soqanngilaq	Soqanngilaq
Innuttaasunut allaffissornikkut kinguneri	Soqanngilaq	Soqanngilaq
Silap pissusianut kinguneri	Soqanngilaq	Soqanngilaq
Avatangiisinut pinngortitamullu kinguneri	Soqanngilaq	Soqanngilaq
EU-mi inatsisinut tunngassuteqartut	Inatsisissatut siunnersuut EU-mi inatsisaasunut attuumassuteqartunik imaqanngilaq.	
EU-mi inuussutis- sarsiornermut tunngassutilinnik malittarisassalior- nermut tunnga-vinnut tallimanut akerliuvoq/EU-mi aalajangersaaner mi minnerpaaffis-samut piumasa-qaatinit annerusu- nik piumasaqar-poq. (X-ileruk)	Aap	Naamik X

*Inatsisissatut siunnersuummi aalajangersakkanut aataasiakkaanut
oqaaseqaatit*

§ 1-imut

Nr. 1-imut 2-mullu

Illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi §§-ini 2-mi aamma 4-mi aalajangersakkat pigisassanngortitsisarneq pillugu suleqatigiissitat ilaasortaasa katiterneqarnerannut tunngapput, taakku naalagaaffimmi oqartussaqaarfiit sinnerlugit Kalaallit Nunaanni pigisassanngortitsisarneq pillugu sulianik imaluunniit ingerlatseqatigiiffiit naalagaaffimmi oqartussaqaarfiit ataanniittut suliaassaqaarfiit akuersisummik tunineqarsimasut sinnerlugit, siunertamut pineqartumut pigisassanngortitsinissamut inatsisikkut tunngavissaqaraangat oqartussaqaarfittut suliaqartarput.

Ilaatigut § 2, imm. 1-ip malitsigisaatut, Kalaallit Nunaanni pigisassanngortitsisarnerit, naalagaaffiup pigisassanngortitsisarnerini suleqatigiissitanit aquneqartassapput, tak. illut pillugit pigisaareersunik pigisassanngortitsisarnermi periaasissat pillugit inatsimmi mmi § 4.

Siunnersuutigineqarpoq, § 2, imm. 1-imi, »naalagaaffiup pigisaareersunik pigisassanngortitsisarnerini, tak. pigisanut nalilinnut tunngatillugu pigisassanngortitsisarnermi periaaseq pillugu § 4« imatut allanngortinneqassaaq: », tak. pigisassanngortitsisarnermi periaasissat pillugit inatsimmi § 5, imm. 2«.

Allannguutissatut siunnersuutigineqartup kingunerissavaa, illut pillugit pigisaareersunik pigisassanngortitsisarnermi periaasissanik Kalaallit Nunaannut inatsit malillugu Kalaallit Nunaanni pigisassanngortitsisarnerit, aammattaaq siunissami pigisassanngortitsisarnermi periaasissat pillugit inatsimmi § 5, imm. 2 malillugu Illoqarfinnut-, nunamut- aamma angallannermut ministereqarfik atorfinitsinneqartunit suleqatigiissitamut ilaasortanit aquneqartassapput, aamma taakku pigisassanngortitsisarnermi periaasissat pillugit inatsimmi immikkoortoq 2 malillugu suleqatigiissitaliami pigisassanngortitsineq pillugu sulianik suliaqartassapput. Allannguutissatut siunnersuutip taamaalilluni pigisassanngortitsisarnermi periaasissat pillugit inatsimmi § 5-imi aalajangersakkamut nutaamut eqqortumik innersuussisarnissaq qulakkiissavaa.

Aammattaaq siunnersuutigineqarpoq, § 4, imm. 1-imi, »naalagaaffiup pigisassanngortitsisarnerani« ima allanngortinneqassasoq: », tak. pigisassanngortitsisarnermi periaasissat pillugit inatsimmi § 5, imm. 2«. Siunnersuutigineqartoq, pigisassanngortitsisarnermi periaasissat pillugit inatsimmi nutaami, oqartussaqaarfiit pigisassanngortitsinermik sulianik suliaqartartut pillugit malittarisassani taaguutip »naalagaaffiup pigisassanngortitsisarneri« ingerlateqqinneqarsimannginneranut kinguneruvoq, aamma pigisassanngortitsisarnermi periaasissat pillugit inatsimmi § 5, imm. 2 malillugu pigisassanngortitsisarnermut suleqatigiissitap siulittaasua suleqatigiissitat ilaannut ilaasortaq Illoqarfinnut-, nunamut- aamma angallannermut ministereqarfik atorfinitsinneqarsimassaaq.

Allannguutissatut siunnersuutigineqartut ataatsimoorlutik kingunerissavaat, illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi oqartussaqaarfiit pigisassanngortitsinermi suleriaatsimut peqataasut pillugit malittarisassat, pigisassanngortitsisarnermi periaasissat pillugit inatsimmi malittarisassanut nutaanut naapertuuttunngortinneqarnissaat, 1. januar 2028 atuutilersinneqartussamut.

Taamaalilluni inatsisinut atuuttunut tunngatillugu pigisassanngortitsisarnermi periaasissat pillugit inatsisip akuersaarneqarnerata kingunerisaanik, illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmut allannguutissatut siunnersuutini imarisatigut allanngortitsinissaq pineqanngilaq.

Aammattaaq inatsisissatut siunnersuummi immikkoortumi 2.1.2-mi oqaaseqaatinut nalinginnaasunut innersuussisoqarpoq.

§ 2-mut

Imm. 1-imi siunnersuutigineqarpoq inatsit atuutilersinneqassasoq ulloq 1. januar 2028.

Atuutilersitsinerup siunnersuutigineqartup kingunerissavaa, inatsisissatut siunnersuut atuutilersinneqassasoq ulloq 1. januar 2028. Taamaalilluni

inatsisissatut siunnersuut pigisassanngortitsisarnermi pillugu periaasissat pillugit inatsisip atuutilersinneqarnerani atuutilersinneqassaaq. Tamatuma malitsigisaatut, illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmik allanngortitsinerup kingunerisaanik allannguutit, inatsisissatut siunnersuummi uani imarineqartut, pigisassanngortitsisarnermi periaasissat pillugit inatsisip atuutilersinneqarnerani atuutilersinneqassapput.

Ilanngussaq 1

Inatsisisatut siunnersuutip inatsisinut atuuttunut sanilliunnera

<i>Oqaaseqatigiit atuuttut</i>	<i>Inatsisissatut siunnersuut</i>
	§ 1 Illut pillugit pigisaareersunik pigisassanngortitsisarnermi periaasissanik Kalaallit Nunaannut inatsimmi, tak. inatsimmut nalunaarut nr. 69, 15. februar 1993-meersaq, tulluuttut allanngortinneqarput:
§ 2. Kalaallit Nunaanni pigisassanngortitsisarnerit naalagaaffiup pigisassanngortitsisarnerani suleqatigiissitanit aqunneqartassapput, tak. Illut pillugit pigisaareersunik pigisassanngortitsisarnermi periaasissat pillugit inatsimmi § 4.	§ 2-mi »naalagaaffiup pigisassanngortitsisarnerani, tak. illut pillugit pigisaareersunik pigisassanngortitsisarnermi periaasissat pillugit inatsimmi § 4« imatut allanngortinneqassaaq: »tak. pigisassanngortitsisarnermi periaasissat pillugit inatsimmi § 5, imm. 2«.

§ 4. suleqatigiissitat tamarmik tallimanik ilaasortaqaassapput. Siulittaasoq naalagaaffiup pigisassanngortitsisarnermi suleqatigiissitaanut ilaasortaavoq. Illoqarfinnut-, nunamut- aamma angallannermut ministeri ilaasortat marluk ukiunut 6 - inut atuuffeqartussatut toqqassavai, taakkunanngalu minnerpaamik ataaseq sanaartornermik suliffeqarfinnik imaluunniit Kalaallit Nunaanni sanaartornermut pissutsinik ilisimasaqassaaq. Kalaallit Nunaanni Namminersorlutik Oqartussat suleqatigiissitamut ilaasortat marluk toqqassavai. <i>Imm. 2-4. ---</i>	§ 4, <i>imm. 1</i>-imi, »naalagaaffiup pigisassanngortitsisarnerani« imatut allanngortinneqassaaq: », tak. pigisassanngortitsisarnermi periaasissat pillugit inatsimmi § 5, <i>imm. 2</i>«.
--	--

